

Pentecost message

Background: There were three major occasions on which the Israelite were to present themselves before the Lord. Exo. 23:14-17.

1. The first was Passover which included Unleavened bread and first fruit. Abib lha ni 14 lhinni nilhah lam chu Pakaiya Kelchuh kut hi ding ahi. ni 15 a pat hiche hapta sung chu cholsolou changlah kut ahin, nisa gi sung na man ding u ahi. Changpal masa pen athenso niu cholngahni chan ahop ahi. Lev.23:5-8,15. These three took place within a period of eight days to two weeks.
2. Pentecost (also called the feast of Harvest)
Cholngahnikho a thenso thilto a to dinga changpal ahin choi niuva pat a chu nanghon nasim pat uva hapta sagi lhingset nasim doh ding u ahi. Cholngah nikho jatsagi lhin na ajing nikho geiua nisim nga nasim doh uva, chu tengle Pakai henga ljosoh thilto changthah nato doh ding u ahi. Changlah lhonni cholsosa kikeng sa hiya, Pakaiya lhosoh ga masa thilto a kimang ding ahi. (Lev.23:15-17)
3. The third great festival was called the feast of Tabernacles (ingathering) at the end of the year when the Israelite gathered their fruit from the field. (Sept. – Oct.)

Jesu vanna lah touva aum ding kon in a seijui ho kom a thupeh/ vailhah na thu ana pen ahi.

1. Nanghon Jerusalem dalha hih un; Pa thutep keiya kona najah u chu ngah jingun,. Ijeh innem itileh John in twiya baptize achansah ahin, nangho vang tukal niphabep joule Lhagao thenga baptize nachan ding u ahi. Ati. Acts.1:4-5

Jesu vanna akal toujou ni som nichu Pentecost nikho ahunglung tan ahi leh Jerusalem inden chung a mi 120 Pa thutep ngah jing a um ho koma phulou helou vin vanna kon in hui hattah nunggin bangin ahung ging in atounau in chu adimsoh jeng in ahi. chuin meikong bangin lei ahung kilah in akikhen jal in alu chung chueh uva achong in ahile ama ho Lhagao theng adim set tauvin, lhagaovin aseidoh sah nangun pao chom paochom in thu ase pan tauvin ahi.(Acts.2:1-4)

A. Lhagaoa theng a kona Solchah ho hinkho kikhel.

Lhagao theng panglouva koima hinkho kikhelna tahbeh um theilou ahi, Lhagao theng pang louva pengthah jong asot ngaipon, adih jong ahi poi. Solchah ho hinkho hinsulam dang jong lhagao theng bou ahi.

1. Akichat nao leh alung opkainau jouse abei tan ahi.

Lhagao theng hungkum masang in solchah ho hi kicha a inkot kikha khum uva, mikimu sah ngam louva kisel ho chu lhagao theng adim phat un akichatnao jouse le alung opkaina jouse jong abeihel tan ahi. Kot ahonglen un kichatna beihel in juda mi gam 15 a kon Jerusalem ma kut mang dinga hung ho kom a hangsan tah in thu ahil pan taovin ahi.

2. Thukisei ama gampao cheh a akihet u.

Galilee paova thukisei Juda mi gamdang a cheng Jerusalem a kut mang dinga hung hon ama gam pao cheh in thukisei aheth jeh un alung dong lhehun ahi. Mi phabep in vang ajontai un hite ho hi lengpitwi khama hiuva hi, atiuvin ahi.

B. Lhagao theng kithopi najala thanei tah leh hangsan tah a Solchah ho thuhetohsah a pang u .

Acts 1:8 Lhagao theng nachunguva ahunglhun tengle nanghon thahat nanei dingu ahu; chule nangho Jeursalema jong Judea gam sungsea le, Samaria, chule leiset chung gam jousea kolmang geiya kathu hettosah a napan ding u ahi. (Greek a martus meaning martyr) ajang in ahi, ka thu jala martyr a na thi diing u ahi tina ahi.

Mimeidoi Jesu thumvei tah seilep- Peter chu Pentecost nikho chun aw sangtah in asam in “Juda gam mite le Jerusalema cheng ho kathusei hi lungna chim in ngaiyun,

1. Hite hohi nangho ngaito banga lengpi twi kham ahi pouve, tuhi vai ahinalai bouve.hiche hi Joel themgoa sei chu guilhung ahibouve. Pathen in ninunungle mijouse chungka ka-Lhagao bunglha ding kahi; nachapateu nachanuteuvin lhagao thu aseidoh dingu, chule nalhangval houvin mu aneiyuva na upahovin mang amat dingu ahi.
2. Nazareth Jesu , Pathen in amanchah a nalah uva thil loupi, thilkidang, chule melchihna kumthum sung public ministry anabol chu naheuin ahi, Pathen in ageltah sale ahemasah sa bang in pehdoh in aumtan nanghon dannei louho khutnin, thingpel lah nakhen beh un nathat tauve. Tun Pathen khut jetlama choisang in aumin, athutepna Lhagao theng chu a paa kon in amun, hichu ahin bunglhan, tua na muu najah u hi ahi. Hijeh chun Israel insung mi jousen kichentah in heuhen, hiche Jesu nanghon thingpel a nakhetbeh u chu Pathen in Pakai le Christaa atun ahi tai, ati.
3. Chutah chun athujop chen chu Baptize achang tauve; chule hiche nile le chun mi 3000 jen in abe tauve.

C. Thilkidang le melchih nan ajui tauve.

- 1 Acts 3:1-10 Peter le John in Nazareth Jesu minna apenna pat elbai khat kotkhah hoi atiu houin lutna a asuhdam lhon jeh chun Jerusalem a Thempu chungnung ho le danthusun loi, houvaipo loihon aman un alailung tah ah atousah un ipi thuneina leh koiminna hiche hi nabol lhon ham? Tin adong un ahi leh Peter Lhagao Theng adimset in ajah uvah, Nanghon thingpel a nakhetbeh u Nazareth Jesu Christa Pathenin athiho lah a kona akai thou chu ama mina chu ama hi naanguva dama dinga ahi. Chule koima danga huhhingna aum poi, ijeh inem itile vannoiya mihem laha huhinga ium na ding uva kipea min danga min dang in aumpoi ati tan ahi.
- 2.Peter le John hakatje chu amu phat un lekha them loule mimol ahi chu la aheuin adatmo lleh jeng taove. Hiche miho hi iba ilo ding u ham? Amahon thil bomo kidang tah abolu hila Jerusalema cheng mijouse hetin akiphong doh tan, eihon lah ahi poi tin inel thei pouvin, hijong le hiche hi achal cheh cheh louna din tukal Jesu mina hi thu aseikit lou hel na dingu le ahil lou helna ding un akham chah tau hi tin aki thulhuh taove.
3. Ahivang in Peter le John in adonbut in “Pathen thusanga nangho thu ngaijoh chu Pathen mitmua dih nam, nanghon gel toh un, Keiho vang thil kamu chengseu le kajah chengseu sei louvin kaum thei pouve, ati lhon e.
4. Solchah ho khutna melchih na le thil kidang tapi abol jing jehun Thempu chungnung hole Saducees ho chu athang seuvin solchah ho chu aman un nilhah ahijeh in songkul a akhum tauve. Ajan chun Pakai vantil in kot ahong in amaho pamah apuidoh un ajah uva cheuvin lang hou inah hina thu hi gahil un ati. Ajing in Thempu chungnung ho le houvaipoloi akikhom un solchah ho songkul a pat puidoh dingin sottol le asol u leh koima cha ana um tapouvin

ahi. ahung ki leuvin songkula bitkeijin akikhah chah nan, angahho jong kotbula adin jingo kaga toh un kot kahun ule asunga koima cha kamu tapouve agatiuvin ahi. Alungdon lai tah un mikhat ahung in veuvin songkula nahen hou chu houinah ading un miho thu ahillui, ahungti . Aheng uva agapui lut un alailung uva adinsah un, Thempu chungnung in hiche min hin mi hildauvin tia hachang khama kakhamu nahiuvin, ahin veuvin nathu hilu Jerusalem nadip soh tauve ati. Peter leh solchah ho chun adonbut un, “Mihem thu sanga Pathen thua kanun joh dingu ahi.”

5. Amahon hiche thu ajah tahu chun alung chang kikal doh abang jeng un tha ding in ago tauve, Ahin Pharisee mi amin Gamaliel mijousen aja lseh pa chu ading dohin Isreal mite ho hiche thudol a hin kichih theijun, ajeh chu hiche kingaito le thil kibola hi mihem phudoh ahile suhmang in um nante, ahilouva Pathen na kon ahile sumang jou pouvin nate, ajole Pathen kidoupi hikha get unate ati.

(Eg. Theudas milen hipa, Judas).

6. Chuin amasei chun akilolun, chuin Solchah ho chu akouvun, avouvin, Jesu mininna thu sei hihhel un tin akhamun alha taove.

D. Ipi jeha hitobang a hi miki musah ngam louva kichatah a um ho chu tua khamlal changa um ahi diuven iti leh Lhangao Theng adim jeh u ahi. Hiche Lhagao Theng chu tu khanga ihoubung uva revival, halna inei na diuva apoimo tah leh angaicha pen in kagel in ahi. Achuti leh Lhagao theng pol theina ding dinmun itobang neileuhen eima mimal kihaldoh a, Kipana hinkho inei uva, Lungmong a ikhosah thei diu ham?

1. **Christa a um ding** : Mihem khat Christa a pentah na aneiteng Pathen lhagao theng in achenpi ding ahi.

- “ Pathen lhagao nasung uva achen vangle tahsa lama chon hilouva lhagao lama chon nahiu ahi, Christa lhagao neilou chu christa a ahipoi. (Rom. 8:9),
- “Pathen intheng nahiuva nasunguva Pathen Lhagao achen chu nahet louvu ham? (I Cor.3:16)

2. **Surrendering life or Committed Life:**

Pathen khut thahat tah noija kipeh lut na ichunga vaihom sah dinga inop angaiyin ahi. Eima deibang a Pathen hou ding hilouvin Pathen dei itobang ham ti gelging pum a hinkho man angaiyin ahi. I Pakai Jesun jong Pa keima lunggot bang hilouvin nangma lunggot bangjoh atin ahi. (Mt.26:39)

3. **Obedient life/ Seingaina hinkho:**

Thungailou, louchal kiti hi Lhagao theng pol na ichanthei lou na bulpi khat ahi. Seingai nahin hamphatna ason ahi. Christian hinkho a seingaina hi thilnom ahipon ahi. Hahsatna chu ijo teng kipana soh thei ahi.

4. **Kineosah na hinkho** : Kineosah hi ibol mo keiu ahi. ihina in toh lou, kiletsah hi ithem nao khat ahi jin ahi. Kineosah na hinkho manglouva Lhagao polna kichang theilou ahi.

5. **Sel Control/ Eima chang kitim na**: Jesun dan ahung suhbei vanga Christian hinkho hi mulou line kikai in eium khum u ahi. Christian hinkho hi kichep golseh toh Paul in atekah in ahi. kichepna a khu line i cross leh disqualify kihi jeng ahi. Hibang a chu Christian hinkho jong neh ding nehluou ding, don ding don lou ding, vet lou ding tampi um ahi.

Hiche ho jouse hi juileu hen Pathen lhagao theng polna ichan uva Lhagao lam a hingssit satna hinkho iman diu ahi.

Topic : Pathen deibang a hou ding:

Text : " *Pathen chu Lhagao ahin ahouten Lhagao le thutah a ahou ding mong ahi.* "

John 4:24

Pathen hou ngan akihi vang in mitam pin Pathen deibang ito bang ham ti gelpha louvin ama lung deidan dan le anopdan dan in akihou gam tan hijeh chun Christian tampin Pathen in bol ding ati leh bollou ding ati ho lhengkhen ta louvin vannoi chon toh kikhe louvin ium gam taovin ahi. Vannoi chon chon in ichon un kikkeh na beijin akium gam tai. Tunin inun ikhen ikhosah dan Christa kipana thupha toh kitoh a ichon hinam kigel pha ki ute. Bible in tahsa lam a nachon ule iti jong le nathi tei tei ding u ahi, ahin lhagaova tahsa na toh chengse natha vang u le nahin ding u ahi. (Rome 8:13)

Pathen deidan na hou na dinga thil poimo tah thilni Bible in asei in ahi.

"Pathen chu **Lhagao** ahin ahouten **Lhagao le Thutah** a hou ding mong ahi." John 4:24

1. Lhagaova hou ding:

A. Pathen chu iti lhagao va ihou diu ham? Jesu Christa itahsan na ikisan ni apatna chu Lhagao theng a thahsem ihiuve. "

1. "Mihem chonphat thilbol vanga hilou, aman ami lungset dungjui a Pentah na asila Lhagao thenga athahsem ahi." (Titus 3:5).
2. "Lhagao chun amatah in eiho lhagaotoh kithoa Pathen chate ihu eihetsah u ahi." (Rome 8:16)
3. "Mihem khatchu Christa a pentah na aneiteng Lhagao Theng in aumpi jing ding ahi tai. " Pathen intheng nahiuva nasung uva Pathen lhagao achen chu nahet lou u ham? (I Cor 3:16),
4. "Pathen na konna naneiyu Lhagao theng nalung sunguva chenga chu natahsau hi ain theng ahi ti nahet lou u ham.(I Cor 6:19).
5. 'Pathen lhagao nasunguva achen vang le tahsa lama chon hilouva lhagao lama chon nahiu ahi. Christa lhagao neilou vang chu Christa a ahi poi.(Rome 8:9)
- Eg. Tehsepu 12 vei pengthah atuten Hepu hoipen chu dih ding hitam atileh khatpen pen chu dih na veh ta ati.
6. Aman gamla tah a cheng mite kouna khut ajah a Leiset kolkim vela kithong dia khutkoi amut ding ahi. (Isa 5:26)
7. Athilah a kona Jesu kaithoupa lhagao chu nangho sunga achen le ,Christa Jesu mithi laha kona kaithoupa tah chun nangho sunga cheng ama Lhagao vanga chu natahsau thi thei jong chu ahinsah ding ahi. (Rome 8:11)

B. Lhagao Thilpeh ho:

Mipeng thah dih tah chu lhagao thilpeh chang tei ding ahi. Lhagaova pengthah khat chu lhagao thil peh khat beh chang tei ding ahi. (I Cor . 12:7). Khatsanga tam jo jong chan thei ahi. Lhagao thilpeh chichom chom aum in ahi.

1. I Cor 12: 8 Wisdom, Knowledge, Faith, Healing, miraculous power, Prophecy, distinguishing between the spirits, Speaking in different kinds of tongues, Interpreter,
2. I Cor 12: 28-29 Apostle, Prophets, Teachers, workers of miracles, healing, help others, Administration, Speaking in different kinds of tongues,
3. Eph 4:11-12 Apostles, Prophets, Evangelist, Pastors, teachers .
4. Rome 12:6-8 Prophecy, Serving, Teacher, Encourager, Helping others, Leader, Mercy,

5. **19 different Spiritual gifts.** (Chihna, Hetna, Tahsan, Damsah theina, Bomo kidang bol, Gaothusei, Lhaogao ho hetkhenna, Paochom Paochom tho theina, Paoledoh theman, Solchah, Themgao, Mihil, Mikithopi na, Vaihom themna, Thulhangsam, Chinghoi kaihoi, Mitilkhoh, Lamkai hina, Mikhotona.)
 - Epes 4:12 Hiche Lhagao thilpeh ho hi lhacha natoh na ding, mithengho pilhinsah na ding, Christa pilhing dungchan iphah na dingu va eikipeu ahi.
6. How can we recognised our gift?
 1. Pathen lekha bu a 19 Spiritual gift ho a pang tei ding
 2. Eiman le min aphatchompi a nahet hinam?
 3. Mi hon eihet pi hi ding.

C. Khenbeihel a Pakaiya iki peh lut ding.

1. Sopite , Pathen lungset vang hin natipum piu chu longlhen theng tah gankihing lha a bang in Pathen lah thei doltah in Pathen na kipeuvin, tia kahil nahiuve, hichu nalung uva lhagaova nahou nau ahi. (Rom 12:1.)
2. Nangman nalung pumpin nalhagao pum pin chule nalungthim pumpin Pakai na Pathen chu ngailun. (Matt 22:37)
3. Pakai na Pathen chu nalung thimpumpi, nahinkho pumpia chuleh nathaneina pumpia nahou ding ahi. (Deut.6:5).

2.Thu tah a hou ding:

1. Thutah hi Pathen ahi na (Nature) khat ahi.

- Pathen chu ahina a ihou leh akipah in, Mihem chu ahina a ihou leh akipah poi.
- Mithah chu kivon un hi chu Thutah, Chonphat le Thenna, Ngailut, Pathen lima asem ahi tai (Eph 4:24)

2. Nitin kiman chah na leh Lhagao thu chekhom tei tei ding, kikhen thei lou ahi

- “Nanun nakhen nacho sah dan chu Christa kipana thupha toh kitoh pou pou hen. (Phi 1:27)
- Nupi khat in sum kabei teng CRP te camp a kaga lut jin ajou teng taona mola kache ji atin ahi.
- **Nehemiah in Pathen houdan athah semphat kit.**

1. ***Pathen lhacha ho dinmun asem phat.*** Levi te le lathem ho alou mun uva kon na akou doh a lhacha na tong dinga hou in a athah phu det kit.
2. ***Hopsom le maicham thilto ho asemphat:*** Chang, Lengpi twi, Thao tui ho phatah a to diuva athu peh.
3. ***Treasurer/ Neiching mikitah alhendoh a apansah.*** (Shelemiah, Zadok, Pedoiah, Hanon kipan sah neiching dinga.
4. ***Cholngah nikho nitdan semphatna.***: Jerusalem a cholngahnikho le thilpoh lut phal hilou ding, aveng tup dia gate ngah phatah a adin sah.
5. ***Kichenna asemphat:*** Jews ten Ashdod numei, Ammon numei, Moab numei ho toh kijon to abol jeh uva acha teuvin ama ho pao haimil gam ta, Nehemiah in akiahah sel sah a achateu midang toh kichensah lou ding chuleh amahon jong gamdang mite Chanute ajon lou diuva kitepna neisah.

Tahsa le lhagao kikhen thei lou, inop danna chon na Pathen hou jong hi ding chu Pathen kipa na hipon te.

Pathen chu Lhagao ahin, ahouten Lhagao le thutah a hou ding mong ahi, hi tobang ho bou chu Pathen in ahou dia ahol ahi. Jm 4:23-24.

